


أحمد فؤاد نجم



أغنيات أحمد فؤاد نجم والحياة

أبو عيدو البغل

<https://fb.me/jamal.hatmal>

scanned by jamal hatmal

دار العودة - بيروت

مكتبة مدبولي - القاهرة



mohamed khatab

الخزيات
الكعبة
والحياة

لوحة الغلاف والرسوم الداخلية
الفنان: محمد علي

الخطوط وتصميم الغلاف
حامد العويضي

أحمد فؤاد نجم

أغنياته
الكتب
والكفيلة

دار العودة - بيروت
مكتبة مدبولي - القاهرة

جميع الحقوق محفوظة

الطبعة الثانية - مارس ١٩٨٣

يطلب من دار العودة - بيروت

كورنيلس المزرعة - بناية ريفيرا سنتر

تلفون : ٣١٠٨٤٠ - ٣١٨١٦٥ - ٨١٥٣٣٥

تلكس AWDA 23682 LE

إهداء


إلى أجمع السحري الذي عمل كالمات

إلى أوصى الأرض

إلى صوت الشيخ الإمام

قنطرة الشعب الهادفة بالألم والأمل

أحمد فؤاد نجم



مقدمة

باستنظرك

باستنظرك

باستنظرك

رغم القساوه في منظرِك

لحظة هروبك يارب

م الحب لما استنصرك

باستنظرك

باستنظرك

باستنظرك
 رغم الشتاء والبرد والرعد المخيف
 باستنظرك
 في الشارع المشغول بأحوال الرصيف
 أنا أصلي حاسب موعِدك
 وعارف إلى بيْبِعِدك
 وأنا إلى خابر تبقى مين
 وأنا إلى صابر من سنين
 وباعدك
 بالشأنه عمري
 واعد لك مطرح فستان الأمل
 وبامدك

وف كل خطوه أمد لك
إيدي اللى شققها العمل



مدي الخطاوى يا حبيبتى وقدّمى
وان كنتى خايفه م الطريق اتبسمى
يا شمس يا لى ضحكك
قمر ينور سكتك
أنا اللى عشقك عزّنى
وانتى اللى عشقى يستتّك
باستنظرك
باستنظرك
يا جرحى يا حلمى العنيد

باستنظرك

باستنظرك

يامصر يا حبي الوحيد

وحتيجي يوم وتصدّقي

عشقي الأصيل وتحقّقي

حلمي الجميل وتزوّقي

عمرى الى ضاع مستنظرك

باستنظرك

باستنظرك

باستنظرك

غنوة سلام

قد إيه القلب يعشق

لو سمع غنوة سلام

يا سلام

قد إيه والغنوة تحلى

لو بيدنا بالسلام

يا سلام

قد إيه الروح تميل

والنغم يطالع جميل

والوتر يوصل كلامه

للقلوب
صافي وأصيل
قد إبيه
وقد إبيه
بس اقول إبيه وَلَا إبيه
السلام دا كلمه خضرا
زى أغصان الريحان
تربتوى منها الشفايف
لما تجرى ع اللسان

زوّقوى الناس يادنيا
بالكلام عن السلام
والكلام غير الحقيقة

والعمل غير الكلام يا سلام

من هنا نبدي الكلام
يا صبا به يا مغرمين
كلنا نحب السلام
والسلام بيجب مين ؟
السلام بيجب نورا
وشوفوا نورا تبقى مين
نورا بنت عيونها خضرا
زى قلب العاشقين
والخدود ورديه خمري

والشفاف توت وتين

والضفاير

يتبر طائر

يبعث النور والرينين

والنهود حُرَّاس مدينه

بالبنادق سهرانين

يحرصوا قلب المدينه

من عيون البصّاصين

والمدينه في عصر نورا

صوّروها المنشدين

هى جنه إنسانيه

للبنين وللبنين

فيها غيط القمح كافي
يذّي كل المحتاجين
فيها نهر الحب وافي
يسقي كل العطشانيين
فيها نور البدر صافي
يهدى كل الحيرانين
فيها مطرح للسلام
لو فرش يقدر ينام
فيها كل الناس
حبايب
فيها كل الناس تقام
يا سلام

قد ابيه القلب يفرح
لو يزور بيتنا السلام
يجي ومعه الحبايب
نورا والنور والكلام
لا فرش الأرض الحبيب
حنّه

واعمل مشايات
وانصب الشادر يلاي
بالكهارب والزينات
واسقى كل الناس حبايبي
ميه وردى ف الكاسات
وادعى كل عيال حارتنا

بالمزاهر والنباتات

ينشدوا الألحان

فرايحي

تسرى ف قلوب البنات

تعمل الأنغام عمايل

ترسم الأحلام

حاجات

لوقالوها لامهاتهم

أوعادوها للخلالات

يفهموها

ويداروها

عن عيون الأبهات

ويقوموا لها ويقعدوا لها
ويغزلوا لها الأمنيات
والربيع يوصل مادام
ف الوجود نسمة سلام
والزهور تطرح جناين
والعبير يرسم حمام

زوقوكي الناس يادنيا
بالكلام عن السلام
والكلام غير الحقيقة
والعمل غير الكلام
ياسلام

باسهر وبنام

ياحبيبي	باسهر وبنام
ياحبيبي	وانا كلى غرام
ياحبيبي	ولايسعد نيش
ياحبيبي	غير الأحلام

فى ضلام الليل
والناس نايمين
والفجر بلاده بعیده .. بعید

والفكر شموع ودموع

قايدين

والصبر عذاب

ولافيش بالأيدي

غير إني اتقني

واصبر واستني

واهرب من نار

واحلم بالجنة

واسهر وأنام

وانا كلى غرام

ولا يسعد نيش

غير الأحلام

يا حبيبي

يا حبيبي

يا حبيبي

يا حبيبي

يا حبيبي

يا حبيبي

يا حبيبي

يا حبيبي

ياحلم بالنور

وبينات الحور

والطرحه التل

وبتاج الفل

وانا وانت بكاس الفرحة ندور

ع الناس حوالينا ونسقى الكل

وعلى الأنعام يا حبيبي

نصبح وننام يا حبيبي

ونشوف أيام يا حبيبي

ولآف الأحلام يا حبيبي

واسهر وأنام يا حبيبي

وانا كلى غرام يا حبيبي

ولا يسعد نيش يا حبيبي
غير الأحلام يا حبيبي

يا سلام .. ولوان لقاءك أحلام
ع الفرحة إزاي بتخليني
أطلع بالشوق
على فوق
يا سلام ..
والشوق ع الجنة يوديني

والجنة هنالك يا حبيبي
على شط هوالى يا حبيبي

يا حبيبي	مليانه ورود
يا حبيبي	من غير أشواكي
يا حبيبي	واسهر وأنام
يا حبيبي	وانا كل غرام
يا حبيبي	ولا يسعد نيش
يا حبيبي	غير الأحلام

شال الهوى

شال الهوى بينا
حط الهوى تانى
واحنا والسفينة
فى بحر الأمانى

عم يا لى ماشى
ع الشط القريب
قوللى وانت ماشى
لأه ولا طيب

حَبِّي راح ماجاشي
مش حاييجي تاني
شال الهوى بينا
حط الهوى تاني

شال الهوى شاله
بان المستخبي
شاف قلبي ناداله
يا عيني يا قلبي
حط الهوى شاله
خبي السحر عنى
هو الهوى ماله

دایر باله منی
کل ما یلاقینی
أشوف عینه تراعینی
کأنه بینا دینی
أفوت أهلی وجیرانی
شال الهوی بینا
حط الهوی تانی

شال الهوی شیله
حط الهوی حطه
هما یوم ولیله
کان فرش و غطی

شال الهوى بيًا من بين الحبايب
حط الهوى بيًا وانا قلبى دايب
والتقيتني ماشى
أدور ما التقاشى
واللى راح ماجاشى
فكرنى ونسافى
شال الهوى بينا
حط الهوى ستافى

شال الهوى بينا
رحنا عثمانين
حط الهوى بينا

جينا عطشانين
يا عشاق بلدنا
يا اولاد الغرام
لارجنا استفدنا
ولاجينا بسلام
خدنا الهوى رحنا
واحننا زى ما احنا
ورجعنا بجراحنا
وبحبة أمانى
شال الهوى بيدينا
حط الهوى تانى

عشق الصبايا

شوف الحكايه ياوله

شوف الحكايه

عشق الصبايا ياوله

طول معايا

منهم هنا ياوله

منهم أسايا

وهما جرحى ياوله

وهما دوايا

زَرَعَ الْوُدَادَ
عَلَى غَيْرِ مَعَادَ
بَقِيَ شِغْلَتِي
أَزْرَعَ وَأَبِيعَ
قَبْلَ الرَّبِيعِ
مَنْ جَنَّتِي
وَاحْلَفَ مَا اتَّوَبَ
وَأَنْشَأَ لِّلَّهِ اِدْوَابَ
فَ مَحَبَّتِي
دَا الصِّرَاطِ طِيبَ يَاهُوى
صِرْطِكَ مَعَايَا

حببت سواد العين سنه

ونسيت صباحي

وغرقت في ليل الضنى

عطشان وصاحي

ولما بان ورد الشفايف

لون جراحي

طاوعت قلبي

ورحت له والشوق ورايا

لو القى خل

يبات وفيّ يصيح مراعي

لاطوى المداين
ع القدم
وامشى له ساعى
وافرد قلو عى يا وله
واركب شرعى
انا وحبىبى
فى الهوى على هوايا



شجرة لو

يا أماني يا شجرة ف بستانى
بتفرع ياما وتعلو
وبيستناها الفكهاى
ولا تخرج غير كلمة لو

لوا غمض وأفتح باني
ألاقينى طائر فى الجو
والشمس عروسة مقابلا فى
بالطرحه الذهبى والضو


لاخطف طرحتها وفرحتها
وانزل ف اللحظة وف التو
أبدر أنوارها وأشواق
ع الأرض تنور تحلّو

والمس بالكف المتحنى
ع الزرع يبشر ويمنى
والحب يرعرع ويغنى
والعمر يهني ويغلو

ويقوموا الناس ف الفجرية
والصبح بيضحك هاو

والليل بعيونه الحرامية
بسيط خائف م العو

وأمانى كثيره مشاغلانى
ممكن تتحقق يوم أو
على رأى صاحبنا البستانى
لو تطرح يوم
شجرة لو



قيدوا شمعہ

قيدوا شمعہ
يا اُحبه ونورولى
رمشتين من رمش عين
وبيندهولى
من هنا
سكة سلامه
من هنا
سكة ندامه

سكتين يا لالا سلامه
أَمْشِي فسين
ياناس قولولي
قيدوا شمعاه ونورولي
رمشتين
من رمش جارح
فوق عيون السحر طارح
زادوا نبض القلب حبّه
بالأماق في المحبه
والأماق هناك بشوكها
طالعه فوق الشط دكها
بتلا غيني

وتناديني
من بعيد
وتقول أديني
كان بودي
عائز اعدى
والظنون بتقولى هدى
من هنا
سكة ملامه
من هنا
سكة سدامه
سكتين ياللا السلامه
أمشي فيين

یاناس قسولوی
قید واسمعه ونوروی

قید واسمعه یاصبایا
نوروی وطمنونی
بحر بینی و بین هوا یا
موجہ یشبه موج طنونی
کل موجہ شایله شایله
حلم لیلہ وفکر لیلہ
عدموج البحر یا الی
شفت حالی
وقول لخلای

كان بودی
 عایز اعدی
 والظنون بتقولی هدی
 من هنا
 سكة ملامه
 من هنا
 سكة سندامه
 سكتين ياللا السلامه
 أمشي فين
 ياناس قولولي
 قيّدوا شمعہ وتورولي

مال يا قلمي العشق بينا
مال

وخالي البال يلومنا
مال وقال للشوق يجينا
في الليالي

يقل نومنا
بين مسانا

وبين صباحنا

نصحي والناس نعسانين
موعودين بالجرح يا حنا
والدوا للموعودين
إيه دا كله

يا قلابى إيه دا
شوف طريق العقل
واهدا
من هينا
سكة ملامه
من هينا
سكة ندامه
سكتين يا لالا سلامه
أمشى فين
ياناس قوولوى
قيدوا شمعاه ونورولى

ساعة العصارى

ساعة العصارى

يانسايم

والبحر ناسيم

وامنا هاسيم

ماشيه الحليوه وخلخالها

يحكى الحكايه الى ف بالها

يابو البنيه

صبرك شويه

وادى الكحيله لخيالها

البنّت قالت أشوف بختي
وكفايه ف الحب مناهده
واعرف نصيبي عشان ياختي
يطمّن القلب ويهدا

قال الودع لما
لما حكى لها
على الحكاياه اللي ف بالها

يادی الصبيه
صبرك شويه
وادی الكحيله لخيالها

والحلوه قالت يانصيبى
هات العدل ولا تستعجل
والعمر مهما حيمشيبى
تروق وتحلى وتعدل
والحره تلبس خلخالها
لايق عليها وحلالها

يا ابو البنيه
صبرك شويه
وادى الكحيله لخيالها

عدی الہوی

عدی الہوی عدی

میٹل ہناوہدی

شاویر برمش العین

ردوا علیہ قلبین

قلبین وانا منہم

آہم الہوی ومنہم


قلب انکوی ولا تاب

والتانی حن وداب

وبعد صبر سنین

طلع الہوی کذاب

لأجاب ولاوڊى
عدى الهوى عدى



ياسكندرية

ياسكندرية بحرك عجايب
ياريت ينوبنى م الحب نايب
تحذفنى موجه
على صدر موجه
والبحر هوجه
والصيد مطايب

أغسل هدومى
وانشر همومى

على شمس طالع
وانا فيها دايب
كأنى فلاح من جيش عرابي
مات ع الطوابي
وراح ف بحر لك

كأنى نسمة فوق الروابي
م البحر جايه تغرق ف سحر لك
كأنى كلمه من عقل بيرم
كأنى غنوة من قلب سيد
كأنى جوّه المظاهرة طالب
هتف بإسمك ومات معيّد

كأنى صوت النديم فى ليلك
بيصحنى ناسك
يشدوا حيلك
كأنى طوبه من بيت ف حاره
كأنى دمع ف عيون سهارى
كأنى نجمه فوق الفنايه
تهدى الحيارى
والبدر غايب

ياسكندريه
يامصر اويه
على من باسم

على ضحكك هالَه
البحر شبالك ومشربيه
وانتى الأميره
ع الدنيا طاله

ياسكندريه
عاشق وبدي
أرتاح ف حضنك
والود ودي
يكون كلامي
عربون غرامي
وبالمحبه ناخذ ويندي

يأسكندريه
 فيكى الغلايه
 ع الرزق يسعوا
 ولايناموش
 صبح صباحهم
 رجع مساهم
 وزاد مشقاهم
 وما اريتاحوش
 ياعينى ع الى الزمان تعبهم
 وضاع ثقبهم
 وما التفتوش
 نزل شبكهم فبحر طامى

طلع شبکہم علی فاشوش

وفیکی بین البشر دیاہ
وفیکی فوق البشر وحوش
وفیکی ناس مغرمین صبابہ
لوخان زمانہم ما بیخونوش

وفیکی خمیری
سلامت امری
ما اقتدرش اشوفہ
وما اغنیلوش

سمك يابني ياسكندرانى
 ف العشق واحد مالکش تانى
 سمك يابني ياسكندرانى
 فى الحسن ساحر ومعجبانى
 سمك يابني والعشق غيه
 تبدأ بنظره تبقى ملاغيه
 وكل شاعر وله قضيه
 وكل عاشق وله أغانى
 وانا الى عشق الصبايا كارى
 أعشق واغنى ما اعرفش أدارى
 لو نظره صاحبة بتجيب قرارى
 ويش حال عيونك يا معجبانى

أنا اتوب عن حبك أنا !

أنا اتوب عن حبك أنا !

أنا ليا ف بعدك هنا ؟

دنا باترجالك الله يجازيك

يا شاغلني معاك

وشاغلني عليك

وان غبت سنه

أنا برضه أنا

لاقدر أنساك

ولا ليا غنا

ولا اتوب عن حبك أنا

زى ما يخلالك .. زى هوالى
سهرنى عليك .. سهرنى معاك
دنا عمرى ما اخاف
من هجرتك يوم
ولا قلبى بيفرح وانا وياكى

وان كان أمل العشاق القرب
أنا أملى ف حبك ..
هوّه الحب
وان غبت سنه
أنا برضه أنا
لا قدر أنسالى

ولا ليّا غنا
ولا استوب عن حبك أنا

أنا لا تمنيت ، ولا قلت ياريت
ولا بعدك عني جعلني سليت
دا أنا كل منايا أدوق اللوم
ويقولوا عليّا الناس حبيت

وان كان أمل العشاق القرب
أنا أمل في حبك
هوّه الحب
وان غبت سنه

أنا برضه أنا
لاقدر أنساك
ولائيّا غنا
ولا اتوب عن حبك أنا


تخاصمني كثير
تصالحني كثير
كل دا يا حبيبي مالوش تأثير
توصلني سنين
تهجرني سنين
ما تغير نيش دا انا حبي كبير

وان كان أمل العشاق القرب
أنا أمل في حبك
هو الحب
وان غبت سنه
أنا برضه أنا
لا قدر أنسالي
ولا لي غنا
ولا اتوب عن حبك أنا

أغنية هزار

عزُّوز النُّوز كَوَا النُّوز
مناخيرك
مش قد الكوز
مع ذلك دايماً تتعارك
مع نجمك
مع إنه يجوز
بيجي مره يزرجن ويليك
على أم دماغك بالشوز
حتبْلَضَمْ

حَيْلِيَّكَ تَاتِي
 حَتَّعَيْطَ وَحَتْفُقَعَ بَوَز
 مَا تَهْوُنْشَ عَلَيَّ يَا رُوحَ قَلْبِي
 أَنَا أَصْلِي مُتَيِّمٌ وَعَجُوز
 وَبَا حُبِّكَ أَكْثَرُ مِنْ عَيْنِي
 وَبَاعْزَلْكَ أَكْثَرُ مَا تَعُوز
 فَحَصَّالُحَكَ غَضَبِي عَنْ عَيْنِي
 تَتَعَزَّرُ تَاتِي يَا عَزُوز
 أَزْهَقُ مِنْ عِنْدَكَ وَرَزَالَتَكَ
 أَنْزِلْ عَلَيَّ "بَاتَا"
 وَاجِيبْ شُوز



رسالة إلى عزة

بسجن القناطر

حبيبي يا مجرم يا سافل يا دون
يارب السوابق
يارد السجون
غلاستك معاهم
ونمّك عليهم
دا زائد جنانك "ونعم الجنون"
جابولي وجابولك
ويا ما يجيبولنا

لِإِن السِّلْد دى حاكمها القانون
 توقّع ما بينى وما بين الحكومه ؟
 دى برضك حكومه
 وانا إيش أكون ؟
 أديك رُحت مورته
 وحترّوح بشرطه
 وحيفتْ حوْلِي فى جميع السجون
 وانا مش ح ازورلك
 كما كنت فاهم
 "ولا كنت فاهم ولا يحزنون"

هلا بالحب

هلا بالحب يا لثمة هلا به
يصبئ القلب ويخليه صبابه
يدوس ع الشولك
ويوصل للأماق
ونرجع للهوى بعد المتاه

هلا بالحب يا لثمة سفاين
عليها الحنه من خضر الجنائين

تجوب البحر وتطوف ع المواين
تلم الشمل ويزيدوا الصحابه

هلا بالحب يالْمَه حمامه
تشيل الشوق على جناح السلامه
وترسم للهوى مليون علامه
في ضئ النجمه وف طى السحابه

هلا بالحب يالْمَه سواقى
تصب الغنوه تسرح فى المساقى

أدوق واسقى حبيبي واللى باقى
يفيض ع اللّمّه ويكفى الصّحابه

هلا بالحب يالقمّه يجينا
يزود حينا أفراح وزينه
هلا بالحب يجرحنا يداوينا
ونرجع للهوى بعد المتابه

في الليل

الليل ملاح

تأنيه

سواح

لابيوصل شط

ولابيرتاح

الليل مشحون

أسرار وشجون

وآلم ونغم

وكاسات

ونايات

ودموع

وأهات

وعبر

وحكم

ومشيت في الليل خجلان مكشوف

اكنم الليل عريان مكشوف

افراح الناس

وجراح الناس

على صدر الليل عناقيد وصفوف

وعيون الليل والضلمه جبال

فأردن على وش السماء غربال
الماض مبدور
في كاسات بنور
يرسم للنورع الأرض خيال

ويشق سكون الكون أرغول
ونغم فنان
شاعر .. مخبول
وعليل على فرشته بيتقلب
ويحايل جرحه المداوى
ويقول
يا طبيب قلبك طيب

اِسمعني حقولك اَسراري
 لو شلت الشكوى على لسانى
 ورميتها قريب
 ما تكونش جراحي ما لمانى
 أبداً يا طبيب
 منا دقت الجرح وخذت عليه
 يسقينى المر
 وبرضه أسقيه من بحر الصبر
 الى ف قلبى
 حتى قولى بتشكى اُمّال من ابيه ؟
 ولا من أوجاع
 ولا شوق لمتاع

دنا عمری ان ضاع
مش ح ابکی علیہ
أبدأ یا طبیب
یا طبیب دانا جرحی ملوعنی
وساقینی الحنضل من کاس
والنار ف ضلوعی بتلسعنی
وانا لسه صغار
والعیا قاسی
ولا عمر اللیل مره سمعنی
علّیت الّاه علی أنفاسی
أبدأ یا طبیب

لكن يا طبيب أنا بابكى صحيح
ويا قول الآه زى المجاريح
ودموعى ف عيني بتتكلم
وبتألم
على قلب جريح
مسكين
كان أمله يحب سنين
ويلم الحب ف عشه اثنين
وانتهى معاه
وان قال الآه
أنا أقول له :
يا روح القلب أهين

بس انا لا بودى
ولا بيدى
دا قدر مقسوم
قدر لحبىنى يعيش بعدى
ف الهوى محروم
أهو دا اللى وجعنى
وخلاّنى
حطيت الشكوى على لسانى
إنما وحياءة اللى قاسيته
وحياءة الأمل اللى بنيته
وحياءة القلب اللى جرحته
لا فرحت معاه

ولاهنيته

لو شلت الشكوى على لساني

ورميته اقريب

ما تكونش جراحي ما ألماني

أبدًا يا طبيب

وينام الصوت

والكون حواليه ساكن نغسان

وكان الموت رمي ثقله عليه

سكت العيان

الكاس له ناس

والليل مجالات

والحان ملىان
والناس مزاجات
ومجال الكاس أشكال أجناس
ملىان حواديت
ملىان روايات

ونزور بالليل دنيا الخمار
ونلاقى الكاس ع الناس
دوار

ويموت الليل على باب الحان
ح يخش إزأى والدنيا نهار ؟
وقلوب ونفوس كداع المكشوف

عريانه تمام

وتعالى نشوف ..

شوف دا الى هنالك

قدامه كاسين

مع إنه لوحده

ماهوش اتنين

وكتير بيصروا

ومش فاهمين

الكاس دالمين ؟!

الكاس دالمين ؟!

أهو دا الى بنظرة عين

شيكوه

وفاتوله الكاس مليان

وفاتوه

وحكايته طويله وهمه ثقيل

وحقولاك إيه ؟

وأعيد لك إيه ؟

راح يملأ عيونه بطلم جميل

بياع السهد ملا له عنيه

وترن ف جوالحان ألحان

نشوانه تخلى المولد .. هُـس

وغزاله بتغزل ف حصان

وتقولهُ أحيك إنت وبس !

ويفزع هناك سيدنا المنظور
 ويطلب الكاس فإديه مكسور
 ويقول غشاشه بتلعب بيك
 ويرد التاني عليه بفتور
 طرب وانت مزعل نفسك ليه؟
 حشري
 وسخيف
 وح أقولك إيه؟
 وما نولي يقول:
 «موس أندي خق»
 والسامر يضحك لما يطق
 ويحط الحشري عنيه ف الأرض

وكأنه لحن ف الدين والفرض
ويقوم يتطوح مره يمين
ويميل زى البخت شمال
وف جوف الليل يغرق مسكين
لا يغير حال
ولا يشغل بال

الحظ حمار من غير حمار
فقد التميز
زى الخفافيش
هجروا البساتين
سكنوا الدهاليز

والحظ بطبع غباوته عنيد
 ودماغه حديد
 لو يعند حتى على الغزلان
 ينسخطوا معيز !
 ونسيب دهليز
 ونخش ف باب
 ونعدى الباب تدخل سرداب
 ونلاقى ضحايا الليل واقفين
 والحظ بيلعب بالأعصاب
 طبلية عليها نمر بنظام
 من واحد يمكن لما لألف
 والدنيا بزي ماهي تمام

على هيئة كوره
تدور وتلف
وشنب مفتول
يصرخ ويقول
اللقمه بتنده أكلها
والرزق نصيب
والدنيا الدائره ف أحوالها
زى المجاذيب
الصبح معاك
والضهر عليك
والحظ لو ادى
ما بين قيش

جربها ويمكن لو تديك
من جودك برضه ماتحرمينش
قرب قرب
جرب جرب
ودي لعبة حظ مفيش تبكيش
والكورة تدور زي البندور
تخرن على ناس وتجاهل ناس
والشيخ سامون عبدالمقدور
<https://facebook.com/groups/abuab/>
واقف على أعصابه ومحتاس
يلعب ع الستة
الخمسة تصيب

ينقل ع الخمسه
الخمسه تخيب
وخلص الحظ
إداله قفاه
والحظ ان ولى
بيبقى عجيب
كلها ساعتين
وصريخ سلمون لعلع مقامات
نهاوند وسيكا ورست وصبا
وحجاز وبيات
يافلوس الناس
يا خراب البيت يا نهار الشوم

طب المسكين من طول له ورفض يظهر مات
والناس ملهيه ف أحوالها
بيد وسوا عليه
وبتاع الكوره مشغلها
حيبطل ليه ؟
واللقمه بتنده أكالها
طب ودا كل إيه ؟

الشارع نايم
تحت جناح الليل همدان
وعيون النور
تعبانه بتنعس ع العمدان

والكون ملفوف
 بعبايه نسجها الليل بالخوف
 وف بحر الضلمه
 رأيت على بعد شبح
 إنسان
 حققت بعيني
 لقيتها يمامه وكاسره الطوق
 كرابيج الليل
 ناقشيتها جراح
 من تحت لفوق
 والأسى ف عنيتها
 مصحى الشكوى تقول حواديت

حواديت
ملهاش علاقات بالشوق
ولياالى الشوق

مسيت ورميت ع الحلو سلام
قالت سلامين
أنا قلت لوحدك ليه يا حمام ؟
ووليفك فين !
مالك بالليل وجبال الرعب
خليك يا حمام عايش للحب
شالت بجناح
حطت بجناح

وريتنى جراح تحت الجناحين
وقالتملى زمان الحب مراح
وبقى لنا سنين ف الليل تايهين
خد منى الليل
واذاقنى الليل
ورميت له الغالى بسعر زهيد
وسقانى الشهد ودقت الويل
وكسافى حرير ولبست حديد
وعرفت الناس م الراس للديل
وآمنت بأن الكل
عبيد

وقالتها وطارت ف ثواني
وانا شارد وخیالی یصور
وغمزنی الفجر وصَحَّاني
ولقيت الكون بادی یَنور
وصحيت من غفوة سرحاني
على صوت بیقول
الله أكبر



فات الهوى

فات الهوى سلم عليًا
بات السهر ساكن عنيه
عاد الهوى بين يوم وليله
واحنا سوا يانور عنيه

فات الهوى آه ياسمراني
لحظة ما فات لحظك ناداني
عاد الهوى قام التقاني
زى الهوى قلبي ف ايديا

فات الهوى يا واد يا خمري
سلم وانا سلمت أُمري
عاد الهوى بالشوق يا عمري
يملا السهر والنوم على

فات الهوى آه يا ابن خالى
ساب البنات كلّك وجاهلى
واما الأطبا شافوا حالى
سبّوا الهوى واحتاروا فنيا

فات الهوى آه يا ابن عمى
زى الهوى شعل ف دى
واما شكيت الوجد لامي
ضحكت وباستنى فى عنيا

باحبك

باحبك باحبك

باحبك باحبك

باحبك باحبك

باحبك يامصر

مساي وصباحي

أسبح بحبك

وحبك

شفاي وجراحي يامصر

واسافر بحبك
واميل زى ميلك
وتحلا الخطاوى
فى حبك يامصر
واحب اغترابى
فى صبحك وليك
واحب الونس بالرفاقه
يامصر

تنام الدموع فى العيون الهواجع
وتسهر دموعى

في حبك يا مصر
تهون السجون والشجون
والمواقع
ويغلا مع القهر حبك
يا مصر
ولو يجبسوني
ولو يشنقوني
ولو فكروا بالعذاب
يبعدوني
ح اقرب واقرب
ومش ممكن اهرب
وتنزل دموعي على خدودي

تشرب
تلاقى الرموش والحدود
والمباسم
مراسم
وصورتك عليهم يا مصر
باحبك باحبك
باحبك باحبك باحبك
يا مصر

الفهرس

٥	١- إهداء
٩	٢- باستنظرلك "مقدمة"
١٣	٣- غنوة سلام
٢١	٤- بأسهر وببنام
٢٧	٥- شال الهوى
٣٣	٦- عشق الصبايا
٣٩	٧- شجرة لو
٤٥	٨- قيدوا شمعته
٥٣	٩- ساعة العصارى
٥٧	١٠- عدى الهوى
٦١	١١- ياسكندريه
٦٩	١٢- أنا اتوب عن حبك ؟
٧٥	١٣- أغنية هزار
٧٩	١٤- رساله إلى عزه

- ٨١ - ١٥ - هلا بالحب
 ٨٥ - ١٦ - في الليل
 ١٠٩ - ١٧ - فات الهوى
 ١١١ - ١٨ - باحبلك

